

سخن دانی، و خوش خوانی، نبی و رزید در شیراز.
بیا حافظ که تا خود را بملک دیگر اندازیم.

بار ها گفته ام و بار دیگر میگویم :
« گوهری دارم و صاحب نظری می جویم »

الله رب العالمین حضرتارینه شکر ایندم، مسئله
بر قدر ینکلاشدی : ایلمک ده غایت غریب هم ده قرآن
کریمک مقدس تعلیمارینه قطعاً مخالف صورتده تلقی
اولنمش بر مچم مسئله شو کون، تألیفی قیلنمش «رحمت
الهیة مسئلهسی» رسالهسی تأثیر یله اولسه کون، مقبول
اولا بیلور بر درجه یه کندی، عذابک ابدی دگلگگی،
جهنمک ده بر کون فانی اولاجفی سلف صالحک هم ده اصحاب
کرامدن، بعضلرینک فکری ایمش، - بزم روسیا مسلمانلر-
ینه ده آکلاشیلدی. هر بر حقیقتی یالکز اوزلرینک گنه
ماسشتابلر یله وزن ایتمک جسارتنه مالک، دائره لری طار
آدملر او رساله تأثیر یله احتمال بر قدر اعتدال کسب
ایدرلر. طارلق، مغروریت اساسلرینه بنا قیلنمش کتب
کلامیه فارا کلق لارندن نجات بولا بیلیمک ایچون بزم امام
افندیلر، احتمال، سلف صالحک غایت واسع افکار علمیة-

لرندن بحث ایتمک یولنه سلوک ایدر قدر بر بیوک نشاط
الده ایدرلر. علوم طبیعییه یی ابطال، هم ده حکیم مطلق
الله حضرتلرینک حکمتلرینی انکار ایتمک نیگزلی اوزرینه
تأسیس اولنمش کلام اعتقادلرندن باش قورتارمق ایچون،
اسلامیتک عقللره اک موافق تعلیملرینی اک اصل اک معتمد
منبعلرندن آلمق فکری، احتمال، بزم اهل اسلامک
کوکلرنده اویانور.

شو سوزم رحمت الهیه عمومیتنه نصوص اسلامیه
نقطه سنندن فارامق اعتبار یله در.

اما اگر قاهر مطلق الله رب العالمین حضرتلرینه
اک بیوک بر اسمیله ثنا سویله مک مقامندن، یاخود غفلتی
مغروریتی براقوب نهایتی یوق عالم وجوده لا اقل بر پاره-
لك اهمیت ویرمک لزومی جهندن، یا ایسه، عالم انسانیتک
حیات استقبالیه سینی اساسلی مرکزده اک مکمل بر دور بین
ایله رصد ایتمک نقطه سنندن رحمت الهیه عمومیتی مسئله
سنه نظر ایدر ایسه ک، او وقت حقیقت اک نورلی یوزینی
بزه عرض ایده جک.

اویله واسع بر نظری اسلامیتک مقدس تعلیملرنده
کورمک بزه بتمز نوکنمز ممنونیتی ایجاب ایدر. اسلامیتک
علویتنه قدسیتنه ده بر برهان اولمق صفتیله بز اویله
نظرلری بیوک امنیتله قبول ایدرز. اویله نظرلری قبول
ایتمک یولنده بر قدر نصوصی تاویل ایتمک ضرورتی لازم

اولوب كلكەك اولسەدە ايدى ، بىز التزام ايدىر ايدىك .
 لىكن او نظرى قبول ايتىمك بولندە نصوص شرعيەبى تاويل
 ايتىمك بليەلر يىنى بىز كورمەدك . بلكە قرآن كرىمك
 متعدد آيتلرندە ، نبى اسلامك اك جامع سوزلارندە گوزل
 صورتدە بيان قىلنەش بىر تعليم اولمق صفتيلە بىز او نظرى
 قبول ايتەش ايدىك .

رحمت الهية عموميتى مسئلەسنە شو جەتلردن نظر
 ايدوب ، بىكا بىر قدر روح ويرمك ايچون ، اديب محترم
 فاتح افندى امبرخان جنابلر يىنك قلميلە « ايدىل » ستونلرندە ،
 محترم H. Ю. افندى جنابلر يىنك قلميلە يانوار ۸ دە
 چىقمەش « ترجمان » علاو سىندە نشر اولنەش مقالەلر بىنى
 ممنون ايتدى . بىكا نىزلا روح ويردكارى ايچون شو
 محترم رىقىلر مە شىكرلر مى تقدىم ايدىم ، بيوك تربيە كورمەش
 باشلر مەك فەكر دە بىكا موافقتلر يىلە بن علنى صورتدە افتخار
 ايدە بيلورم . گمان ايدىم باشلر مەك مەسەس اولماسە دە ،
 البته اكثرى شويەلە در .

شو مسئلەنك روسيا مسلمانلر يىنك مطبوعاتندە ظهورى ،
 انشاء الله ، فائەدە دن خالى اولماسە كرك . اميدم اولدە
 شويەلە ايدى . سوكرە دەها زيادە فوتلندى . مطبوعات
 صحيفەلرندە دعوامى اثبات ايتەك يولنە دوام ايدەك اولدىم .
 رحمت الهية عموميتى ، ابدىت طرفندە ، مەسەس عالم
 انسانيتك نجاتى ، عذاب ادارە الهية ايلە واقع اولاجق

ئەۋلاد گۇرۇپپىسى

www.ewlat.org

www.uyghurkitap.com

ئۇيغۇرچە ماقالە ، قەدىمىي ئەسەر ۋە قوليازماستار ئامبىرى

ايسە بىر كون البته انقطاعى - شو اويچ بيوك مسئلەلر ك
 هر بىرى علم كلام عالمندە غريب ، يىكى كىبى كورنەلردە ،
 اسلاميت عالمندە يىكى دگل ، بلكە اصحاب كرام حضر -
 تارندىن مەدە اسملرى محترم اك بيوك مجتهدلردن تابعيلردن
 نقل اولنەش اساسلى بىر اعتقاد در .

شو سوز مە بىر شامە كوسترمك قىدىلە شو دفعە
 محمد بن جرير الطبرى حضرتلر يىنك جامع البيان اسملى
 اك بيوك ، اك معتبر تفسىرندىن بورادە بىر قاچ سطر
 نقل ايدەيم .

مصر القاىرە دە طبع اولنەش جامع البيانك ۱۲ نچى
 جزئندە (۶۶) نچى صحيفە دن باقكز ابن جرير الطبرى
 حضرتلرى نە ديمش :

« حدثنا ابن حميد قال حدثنا جرير عن بيان عن
 الشعبي قال: جهنم اسرع النار بن عمر انا واسرعهما خرابا . »
 يعنى : « ايكى يورتك اك تيز مەمور اولاجقى مەدە
 اك تيز خراب اولاجقى جەنەدر » .

شو سوز تاويلى قابلىدىر ؟ بىز م دعوامزدن بش اون
 دفعە دەها زيادە واسع دگلميدىر ؟ نجات عمومى اعتقادى
 قرآن كرىمك تعاليم عاليەسنە قطعى صورتدە مخالف ايسە ،
 عجباً شعبى كىبى بىر مجتهدك شو اعتقادى قرآن كرىمە نصل
 توفيق قىلنە بيلور ؟

امام شعبى كىم در ؟

امام شعبی حضرتلری سعید بن المسیب حضرتلری
کبی الٰک بیوک تابعیلردن، علمیله عالم اسلامیت ده الٰک
برنچیلک درجه سنه واصل اولمش مجتهداردن، زماننده امور
سیاسیه ده رأینه مراجعت قیلنور بیوکردن اولوب، دورت
مذهبی تأسیس ایدن مجتهدارک هه سنندن بلا خلاف فائق
بر امامدر.

مسائل اعتقادیه ده اشعریلرک ماتریدیلرک سوزلری
حجت اولا بیلور ایسه، بز امام شعبی کبی بر آدمک
سوزینی حجه ایده بیلورز. یوق، حجت اولا بیلمز ایسه،
بزم ده اعتقادمز شویله در، بز همان امام شعبی حضرتلری
طرفنه میل ایدرز. زبیرا اشعریلر ماتریدیلر بزه جدلیات
اساسنه تأسیس قیلنمش «علم» کلامی تعلیم ایده چکلر؛
اما امام شعبی حضرتلری بزه قرآن کریمک آیتلرینی، نبی
اسلام شارع اکبر علیه الصلاة والسلام حضرتلرینک صحیح
سنتلرینی تعلیم ایده چک!

وحسن اولئک رفیقا. بز بونلاری دها زیاده ممنونیتله
اختیار ایدرز!

جامع البیانک عین شو ۱۲ نجی جزئنده (۶۶) نجی
صحیفه ده ابن جریر الطبری حضرتلری، کورکز، دها نه
نقل ایتمش:

«قال ابن مسعود: لیأتین علی جهنم زمان تخفق
ابوابها لیس فیها احد».

یعنی صحابه لارک عالمی عبدالله بن مسعود حضرتلری
دیمش: «بمین قیلنه چق شیلرله قسم ایدرم. بر کون
کلور، جهنم ده بر آدم قالماز!»

بز یالکز شو سوزی برهان ایدوب ده، دعوامزی
کوکله قدر چیقارور ایسه ک، اهل علم حقیزی البته انکار
ایده مز. زبیرا عالم اسلامیت ده قرآن کریمی عبدالله بن
مسعود حضرتلری ده آکلماش ایسه، سفسطلر ایله
عقللری بوزولمش اهل کلامی آکلایاچق؟ آکلماش
ایسه، اشته شو جهتله عبدالله بن مسعود حضرتلرینک
سوزی بنم برهانلردن بری اولا بیلور.

قرآن کریمی حفظی الٰک قوی، اداسی الٰک گوزل الٰک
صحیح اولان صحابی، سیدالوجود حضرتلرینک نصیله، عبدالله
بن مسعود دگلمیدر؟ قرآن کریمی اوز ایله یازمش،
اجتهادی فتوای صحابه لارک هر برینه غالب اولا کلماش
صحابی ده عبدالله بن مسعود حضرتلری در!

کلامیون بر قدر انصاف ایدرمی؟ بنم دعوام قرآن
کریمک آیتلرینه مخالف ایسه، او دعوام سبیل بن اسلا-
میت دائره سنندن چیه چق اولور ایسه م، عبدالله بن مسعود
حضرتلری قوری دعواسیله دگل بلکه بمینله نه اولاچق؟
ابن مسعود حضرتلرینک سوزی دعوی دگل بمین در!
دعواسنده انسان تردد ایده بیلور. لیکن اختیاری عقلی
وار انسان شک، تردد صورتنده هیچ بروقت بمین ایتمز.

ابن مسعود حضرتلری کبى بىر آدمىدىن يېمىن - البتە قطعا
اعتقادى وار صورتدە گنە صادر اولور .

بن اگلاماق سببيل دعوى ايتەش اولايىم ، احتمال
شرع شريف بنم اويلە خطامى عفو ايدىر . بنم كىيلر ك
مخالفتى دە قرآن كريمك حقيقتە بىر پارەلك ضرر ويرمز .
لكن ابن مسعود حضرتلرى كبى اگ عالم بىر صحابى دە
اگلاماق احتمالى البتە اولماز . اويلە ذاتك يالكز
دعواسى گنە دگل بلكە يېمىنى قرآن كريمە مخالف اولور
ايسە ، يا بونلگ معناسى نەدر ؟ ابن مسعود حضرتلرى مى
قرآن كريمى تىكذيب ايتەش ؟ يا خود قرآن كريمى مى... ؟
بوتون دينلرىنى ايمانلرىنى ملا جلال ، تفتازانى كبى
كلام كتابلرىنە تاسيس ايتەش كلاميون شو ايكى شق دن
اولگى شقى مى يا ايكنچى شقى مى اختيار ايدە چك لىر ؟
نجات عمومىيە بى قرآن كريمە قطعى صورتدە مخالف دېمەش
اهل كلام شېبە يوق شو ايكى احتمالدىن بىرىنى بالضروره
اختيار ايدىلر .

«يوق ! ابن مسعود اويلە سوزى سويلەمز ، يالاندر !»
ديه چك اولسەلار ، حديث اماملرى قاشنە عدالتلرى معلوم
راويلرى تىكذيب ايتەك پراوالرىنى اوزلرىنە ويرسەلر ،
بزدە آنلارك خاطرلرى ايچون گنە سوزلرىنە موافقت ايدىر -
دە ، كتب كلاميە بى ، اورادە وار اعتقادلرى سوزلرى
سبوروب طاشلارز . تاريخ شورلكلرنە خرافات شعبە سىك ،

ئەۋلاد گۇرۇپپىسى

www.ewlat.org

www.uyghurkitap.com

ئۇيغۇرچە ماقالە ، قەدىمىي ئەسەر ۋە قوليازمىلار ئامبىرى

صوكك كەچك عصرلر ايچون محفوظ قالور .

شو دفعە شو قدرلە اکتفا ايدوب طوررز . عذاب
آيتلرى حقتە فىكرى بىان ايدىر ايكن ، بىز او وقت
انشاء الله اصحاب كرامك هم دە تابعيلر ك سوزلرىنى اعتقاد -
لرىنى بىر بىر سرد ايدىر . شو دفعە ابن مسعود حضر -
تارىلە عامر الشعبى حضرتلرىنك بىر سوزلرىنى نقل ايتىپە
عجلە ايتەش ايسەك ، اوز حاللرىنى اعتراف ايتەك فضيلە
سندن محروم قالەش اهل كلامى انصاف حدودىنە دعوت
ايتەك داعيە سىلە اولدى . كورسونلر : قرآن كريمى «احتمال»
بىزم «علمى كلام» دن «بى قدر» زيادە فهم ايدىر ابن
مسعود حضرتلرىلە عامر الشعبى حضرتلرىنك سوزلرى
اعتقادلرى نەدر ؟

بن ، انشاء الله ، هېچ اولمازسە روسيا مسلمانلرى
طلبەلرىنك قىللىرىنى دماغلرىنى اهل كلامك جدلياتندن
پا كەمەك يولندە سعى ايدىر . اما اعظم ، امام مالك ، امام
ابو يوسف كبى مذهب رىئىسلرى علم كلامى نىچون او قدر
ذم ايدىر اولمشلر ، انشاء الله بىان ايدىر . مدرسە شىا گورد
لرىنك اعتقادلرىنە بى قدر استقامت وىرە بىلور ايتىنەم ،
اشتە او وقت بنم غرضم حاصل اولەش كبى اولور .
بىز ملتك وجودىنە استىلا ايتەش ، ملتەزى عطات
ياتاغندە نشاط سىز بىر حال دە براقەش مرضلرى تشخيص
ايدە چك اولور ايسەك ، كوررز ؛ وجودمزدە كثرلە بولنور

مرضلرک الڭ بیوگی قلیلمرزی باصمش طارلق قارا کلق در،
دماغلر می او هام او یاسی ایتمش علم کلام اعتقادلریدر.

« کلا . بل ران علی قلوبهم ما کانوا یکسبون . »

او مرضلرک چاره لرینی کورمک امیدیله ، بن کتب
کلامبه ده وار اعتقادلردن هر برینی بر نوبت بولوب ،
قافهک سیکمک فکرینه بش اون سنه مقدم کلمش ایدم .
اهل تصوف لساننده « علوم رسمیه » نامیله ، مجتهدلرک
لساننده علم کلام نامیله ذم قیلنه کلمش بر علم مسئله لرینک
قیمتلرینی کوسترمک املی بن ده قوتلندی . بوکا کوره شو
کونه قدر دورت بش مسئله ی میدانه آندم . بوندن سوکدها .

بر عزم کامرانی فسالی بزن ! چه دانی :

شایدکه کوی فرصت در این میان توان زد

بوندن مقدم ، محترم « شورا » صحیفه لرنده عذاب
آیتلریله رحمت آیتلری حقنده بر قدر یازمش ایدم .
بوندن سوکده عرض قیلنه چق آیت کریمه لر حقنده علی
الاجمال بر فکر ویرمک قصدیله ، هم ده قرآن کریم ده
او آیتلری اوفور ایکن اکثریاً او آیتلری خطا آکلار
انسانلری خطالرینه تنبیه ایتمک امیدیله ، « الموافقات »
کبی اصول کتابلرنده ترغیب ترهیب آیتلری حقنده سرد
قیلنمش بر بیانی ترجمه سیله دگل بلکه بالکنز معناسیله
بوراده نقل ایتمگی مناسب کبی کوردم .
« الموافقات » صاحبی شو کتابنک ۳ نچی جزءنده

« ادله شرعیه » قسمنده دیمش :

« قرآن کریم ده ترهیب آیتلریک هر برینه مقارن ،
یا مقدم یا سوکده ، ترغیب آیتلری ذکر اولنور . لکن هیچ
بر آیت ده حکم اعیان اعتباریله دگل ، بلکه اوصاف
اعتباریله در . »

مثلا عصر سوره سنده الله رب العالمین حضرتلری
دیمش : « عصر شریفیله قسم ایدرم ، انسان خسارده در ،
مگر ایمان ایدوب اعمال صالحه ی ادا ایدنلر . »
بوراده « انسان » دن یاوروپا خلقی ، استثنادن ده
روسیا تاتارلاری مراد دگلدر .
قرآن کریم ده نسا سوره سنده (۱۴۱) آیت کریمه ده
الله حضرتلری دیمش :

« ولن يجعل الله الكافرين على المؤمنين سبيلا »

بوراده اولگیلردن ساقسونیه انگلیزلری ، ایکنچیلردن
ده هندوستان مسلمانلری یاخود مصر فلاحلری اراده قیلنه .
ماز . واقع بونک خلافتنده دگله ی ؟

ملائکه سوره سنده (۲۹) نچی آیت کریمه ده قرآن
کریم دیمش :

« انما يخشى الله من عباده العلماء »

یعنی « الله دن بالکنز عالم بنه لر ی گنه خوف ایدر » .
بوراده علمادن استانبول خواجه لری ، ازهر شیخ لری ،
هندوستان مولوی لری ، بخارا دامالاری ، بزم روسیا

مدرسلىرى، تاتار مللارى مراد دگلدر.
انبيا سوره سىندە (۱۰۵) نچى آيت كرىمەدە قرآن
كرىم دىمىش :
« ولقد كتبنا في الزبور من بعد الذكر ان الارض
يرثها عبادى الصالحون » .

يعنى : « ذكر سوكنده زبورده يازدق : شو يره بنم
صالح بنده لرم وارث اولاقدر . »
بوراده « صالحون » دن مصرك رفاعيلرى، مغرب
سنوسيلرى، استانبول قلندرلىرى، هندوستان فقيرلىرى،
تاتار صوفيلرى، الممت ايشانلىرى، بخارا نقشبنديلىرى
اراده اولنمامشدر .

الله رب العالمين حضرتلى قرآن كرىم ده « وكان
حقاً علينا نصر المومنين » دىمىشدر .

بوراده « مومنلر » دن كىملرى اراده ايتىمشدر ؟
دورت بش انگليز انده اسير قالمش آلمش مليون
قدر هندوستان مسلمانلرىنى مى ؟ غاللاندېه پنجه سنده قلىق
ايدر جاوا مسلمانلرىنى مى ؟ ياخود . . .

قرآن كرىم حساب سز آيتلرده ايمانى مدح ايتىمش
ايسه، بدء المعارف ايله ملا جلال ده يازلمش مسئلهلرى
اراده ايتىمەمشدر .

قرآن كرىم « صالحات » ، « خيرات » عبارەلر بىلە
انسانلرى گوزل اشلره دعوت ايتىمش ايكن، صالحاتدن -

قازان تلىندە نىسپىح طارتمق، يوز بيك مازنەلر كوزن
صلوات اوفومق، قىصدە بردهلرى تعبد قىدىلە تىكرار ايتىك
كېلى اشلرى اراده ايتىمەمشدر .
الله رب العالمين حضرتلى قرآن كرىم ده هر بر
سعادتنى متقىلرە وعد ايتىمش ايسه، متقىلردن باشىل جاپان
صارى چيتوك بوركه نور صوفيلرى، مريد تربيه ايدر
شىخلىرى، نكيه لرده عمر ايدر ابداللىرى، دنيا دن غافل
زاهدلىرى، نا محرم يوزىنە باقماز ايزگولرى ده اراده
ايتىمەمشدر .

الله رب العالمين حضرتلى قرآن كرىم ده « كنتم خير
امة اخرجت للناس تأمرون بالمعروف وتنهون عن المنكر »
دىمىش ايسه، تنبيه الغافلين دن درة الواعظين دن تذكرة
القرطبي دن وعظ سويلر اماملرى خواجهلرى، مصدره طبع
اولنىش خطبه لردن برىنى منبرلرده اوفور خطيبلىرى ده اراده
ايتىمەمشدر .

الله رب العالمين حضرتلى « ومن لم يحكم بما انزل
الله فاولئك » دىمىش ايسه، « ما انزل » دن بزازه لرده، تنو
يرلرده، جامع الرموزلرده يازلمش حكملرى ده قىدىلما مشدر .
الله قرآن كرىم ده جنت اهللرىنى ده جهنم اهللرىنى
بيان ايتىمشدر، لىكن، يعنى « آنا طول توركلرى » - يعنى
« آمريقا انگليزلىرى » دىمەمشدر .

قرآن كرىم ده عذاب آيتلرىنى ياخود رحمت آيتلرىنى

اوقوب استدلالات ایدەچك آدملره شو نقطه يي ملاحظه ايتمك ضروردر. يوقسه، رحمت آيتلری «بزرگه!»، عذاب آيتلری «تنگيلرگه!» اعتقادی اوزمزی آلدامق دن باشقه هيچ بر نرسه به خدمت ايتمز.

«واذا تساوى في الفبيح فعالنا

فمن التقى وابتنا الكفار؟»

كتاب سماويلر ك برينه انتسابی دعوی ايدن ملتراك اكثری خراب اولمش ايسه، يالكز شويله بر اعتقاد تأثيريله اولمشدر: نصوص سماويه بشارتلرينى يالكز اوزلرينه، قيامت عذابلرينى يالكز ديگرلره توزيع قىلوب، كتب سماويه ده او قدر مدح فيلنور ايمانی لسانلرده يوروبده حياتده اهميتى يوق بر ايکی يا اوچ دورت جمله دن عبارت گمان ايتمشلردر. او ايکی اوچ کلامه درست صورتده اعتقاد اولنور ايسه، انسانلری سعادت يوللرينه آلوب كتمكلى لازم ايکن، بالعكس، انسانلر ك طور يونلق ياناقلارنده استراحتلرينه سبب اولا كالمشلردر. شو حال ك سببى نه در؟ قرآن كريمده فرقان سورسيفك اخيرنده گى آيتلری اوقور ايسه ك، كوررز، قرآن كريم ديهش:

«رحمانك بندهلری - ير يوزنده سكينه ايله يورر بندهلردر. جاهلر، آنلاره خطاب ايدرلر ايسه، پاك طوغری سوزى سويلرلر. ربلرينه سجده قيام ايدوب كيچه لرلر. انفاق ايدر ايکن اسراف هم صارانلق ايتمزلر، بلکه هر

حالده اورتاچه اولورلار. شرك ايتمزلر معصوم قانی توکمز لر، زندان پاك قالورلار، يالان شويلره شهادت و يرمز لر، بيهوده اوافق شويلره تنزل ايتمزلر، ربلرينك آيتلريله تذکیر اولنورلار ايکن، قولاق سز كوز سز كبی التفات سز قالمازلار؛ - يارب! بزه شادلق و يرهچك خانولر بالالار وير! بزی متقيلره امام ايت! ديرلر.»

فرقان سورسنده گى او آيتلری هر برمر اوقورز. لکن ا كثرمرك فهمنه كوره، اللهك اويله بندهلری «مسجد قاتلرينه امامت ايدر، ياشيل جبهلر بوركه نور» قارت حضرتلر، ياخود عمرنده دورت بش خاتونی آلمشده صالحش غايت مهابت قارت ايشانلردر.

بيلورم: شو سوز غايت آغير سوزدر. لکن نه قىلايق، يالكز بزی گنه دگل، بلکه همه ملتەزى، او قدر گنه ده دگل بلکه تمام اسلاميتەزى خراب ايتمش بر بلادر شو بلا!

انصاف ايدەلم! كوگلمزده بور قدر گنه ايمان قالمش ايسه، اوزمزی ده ملتەزى ده آلدامق دن بر قدر حيا ايدەلم ايندى!

حاضر گه بس.

راز حافظ تا کنون نا گفته مانده.

مقصد: عذاب يا رحمت آيتلری ايمان اعتباريله

دگلدن . رحمت آيتلرنده «يعنى تاتارلار!» - عذاب آيتلرنده
«يعنى انگليزلار» مالىده تفسير ايتمك خطادر . ايمان بزم
كتب كلامبده بيان قىلنمش مسئلهلرى اعتقاد ايتمك ، -
صالحات فضائل الشهورارده يازلمش ايزگو اشلرى اشلهمك
معناسنده دگلدن .

شو تنبيه بوندن صوڭ نشر اولنه چق سوزلر مه بر مقدمه
كبنى اولسون .

خاتمه

۸

محترم «شورا» مجله علميهسى واسطهسىل عموم عالم
اسلاميته عرض اولنمش خالص ، همده ، اثبات قىلنه بيلور
ايسه ، فائدهسى اهميتى وار بر مسئله علميه اوزرنده بر
بولوك امام افنديلرڭ همده بر قدر خلقنڭ فتنه لنولرى بنى
بر آز انديشه يه صالحش ايدى . زيرا «فتنه» بى اورتابه
اتان بنم . او فتنه سببيل خلقنڭ عقيدة اسلاميه لرينه خلل
كله چك ايسه ، البته بلاشبهه مسئوليت يالكنز بكاغائدا ولاچقدر .
بوڭكا كوره بن هوشمى باشمه طوپلادم . مسئله بى
مقدماتيله ، ممكن اولاي بيلر نتيجه لرينڭ هر بريله ، شو
مسئله خلافته قائم اولاي بيلور . دليللرڭ اڭ قوبلريله ، اوزون

ئەۋلاد گۈزۈپىسى

www.ewlat.org

www.uyghurkitap.com

ئۇيغۇرچە ماقالە ، قەدىمىي ئەسەر ۋە قوليازما لار ئامبىرى

هم اوزاق ملاحظه ايتدم . اصلى يوق ، ثبوتى ممكن دگل ،
ضررى وار بر مسئله بى قوزغاتمق ، طبيعى ، بكا برفائده ،
بنم ايچون بر مصلحت دگلدن . البته بن بونى بيلورم .
اوز مصلحتى اڭلاماز درجه ده «قلندر» ده دگلم . ديگرلرڭ
فائدهلرى ايچون اجتهاد ايتمك همى عالم انسانيت ده عمومى
اولوب كتمش بر فضيلت دگل ايسه ده ، لكن اوز مصلحتى
ايچون حركت ايتمك مجبوريتى «رحمت الهيه» اقتضاسيله
عالم حيات ده عمومى هم طبيعى قىلنوش بر ملكه لازمه در .
ظن ايدرم ، بن ده طبيعتنڭ شو قانوندن مستثنا دگلم .
مسئله خلافته «غليانه» كلمش خلقنڭ غليانى ده ، گمان ايدرم ،
يالكنز شو قانوننڭ تاثيريله وجوده كلمشدر .

بنم طرفدن قوزغاتلمش مسئله يه بن تكرر نظر ايتدم .
كوردم : مسئله الله رب العالمين حضرتلرينه اڭ بيوك صفتيله
تقديس تسبيح سويله مك دن ، اسلاميتنڭ حسابى يوق مزايامى
قطار يسنه اڭ بيوك بر فضيلت اعتقاديه زياده ايتمك دن ،
عالم انسانيتى من القديم خراب قىلا كلوب نوع بشرنڭ باشنده
كلمش بليهلرڭ هر بر يسنه سبب اولاي كلمش بر اعتقادى يا
تعديل يا رفع ايتمك دن عبارتدر .

مسئله فى الواقع بويله اولور ايسه ، بن اويله مسئله يه
جانمى همه وارمى فدا ايدرم . يوق فى الواقع اويله اولما يوب ،
بن خطا ايتمش ايسه ، حسن ظن اساسنه بنا قىلنمش اويله
بر اعتقاد ايچون ، رب كريم قيامت كوندنه بنى همده بنم

سوزمه اتباع ایدنلری البته مواخذه ایتمز . امیدم شویله در .
بن غفور کریم الله ارحم الراحمین حضرتلرینی انتقام
داعیه سنه ، غضب مؤبد سائقه سنه اسپردن دیه مم . همه عالیه
عمومی رحمت اولوق صفیله نزولی قرآن کریم ده مصرح
اولمش اسلامیتک اعتقادی اساسنه همه انسانلری مؤبد
صورتده عذاب ایتمک کبی الک بیوک بر قساوتی وضع ایتمم .
بنم کندومه نصیب اولاجق ایکن تحمل ایده میه جگم بر عذاب
حسن رضامله دیگر انسانلر حقنده حکم قیلامم . اسلامیتک
حقیقی ایچونده عذابک مؤبدلگی البته لازمدر سوزینه
اصابت رنگی ویره مم . . .

«رحمت الهیه عمومیته» بنم نظرم شویله ملاحظه لردن
نشأت ایدوب ، اثباتیچونده ألمده قرآن کریمک آیتلرندن ،
سیدالوجود نبی رحمت شارع اکبر علیه الصلاة والسلام
حضرتلرینک صحیح سوزلردن متعدد برهانلرم وار ایسه ،
او مسئله یی دعوی اینمیه بنم بیوک حقی البته هر بر منصف
تسلیم ایدر .

شوا دعوامی اظهاردن بنی منع ایدر ایسه ، یالکمز
بر شی ایده بیلور : علمی مسئله لرده «تأقیقه» ایله حرکت
ایدن ادیبلر ، یاخود «سیاست قوللانورم» شعار یله تستر
ایدن پروفانلر بکا دیرلر :

«جانم ! حقیقت سنک طرفده اولاییلور ، دعواکده
سن حقیقه اول ، لکن هر سوزک اوزینه کوره زمانی

مکانی واردر . روسیا مسلمانلری آراسنده اویله سوزلر
سویله من . خلق تحمل ایده میور . عوامک عقلنه درجه سنه
کوره سوز سویله مک لازم دگلمینر ؟ بزده سنک کبی اویله
مسئله لری نشر ایدر ایدک . لکن

دعوامی نشردن قبل شو نصیحتنه من حیث المعنی قریب
بر ملاحظه بنم فکرمه خطور ایتمش ایدی . لکن اوملاحظه
دعوامی اظهاردن بنی منع ایده مدی . بن نشر فیله جق
دعوامی اطرافیله معا کمه ایتدم . سوکوره «شورا» مجله
علیه سی واسطه سیله عمومه عرض ایتدم .
لسان الغیب خواجه حافظ شیرازی حضرتلرینک بلاغتیله
سویله منش :

« دلیر در خرد آن کس بود که در همه حال »

« نخست بنگردد؛ آنکه طریق آن گیرد »

بیت حکمتیله حرکت ایتمش ایدم . غاقبت ، رضا افندی
حضرتلرینک قلم ارشادلریله تألیف قیلنمش «امام غزالی»
رساله سنده شجاعت ادبیه ییه عائد او فوق العاده قیمتی
سوزلری ، مفتونیت الجاسیله ، بیگ دفعه مطالعه ایدوب حفظ
ایتدم ده کوکلام ده الک لذتلی بر ممنونیت ، وقورانه بر جسارت
حاصل اولدی سویله بیلور سوزلر ایله سویله من سوزلر
آراسنده فرق ایده بیلیم قدرگنه جزئی بر عقل ، آفرینی
قارلردن آبرور قدرگنه کوز اللهم انعامیله بن ده ده
وار ایدی .

بعض مسئلەلەرى عوامدن كتم ايتمك فلسفەسنە نظر
 ايتدم . كوردم :
 بزم شريعت اسلاميەدە اسرار دىنيە يوقدر . بر حقيقت
 دىنيەيى ، يا خود مسئلە علميەيى عوامدن كتم ايتمك امرى دە
 بزم شرع شريف دە . كلمەمش در . حقيقتك مکتوميتندە بر
 فائده ، معلوميتندە بر ضرر . سياست عالمندە اولاي بيلور
 ايسەدە ، خالص هم دە سادە مسائل علميەدە هيچ بر وقت
 اولاماز . اديان سابقە راهبلى كاهنلىرى «اسرار» قوللانوب ،
 اوز مصلحتلر يەنە يارار « مکتوميت » دن استفادە ايدىر
 اولمشلار ايسەدە ، اسلاميت اويلە «اسرار» دن ، «مکتوميت»
 فلسفەسيەلە استفادە ايتمك كىي سياستلردن تمام تامانە پا كدر .
 اسلام حكيملىرىنىڭ اڭ بيوكلرنىن برى ديمش :

لقد كتبنا للتين طغوا ، فقالوا :
 اتى من ربنا امر بئرمز .
 فلا اعرفك بين القوم توحى
 بطعن فى محدثهم بعمز ،
 ولا تهمز جليتك من قريب
 تنبيهه على سقط بهلمز .

كاهنلرڭ « اسرار » لرنده مکتوميت فلسفەلەرى اسكى
 زمانلردە كاهنلرڭ اوز مصلحتلر يەنە خدەت قىلمش ايسەدە ،
 لىكن علمى مسئلەلرڭ مکتوميتلەرى هيچ بر ملتە هيچ بر
 وقت بر پارەلك فائده ويرمەمش در . « بن تحمل ايدرم ،
 لىكن زنهار صاقلان ، عوام بونى تحمل ايدەمز ؛ صبر ايت ،

وقتى گلور ، سويلرسن ، فلسفەسى اوزلر يەنە غايەت بيوك
 قىمت ويروب انسانلرى عوام اسمبلە تحقىر ايدىن مقرر
 « حكيم » لره كنه ياقىشە بيلور بر مغروريت فلسفەسىدە ،
 اويلە واهى فلسفەلردن « دم » اور وىت ، فيلسوفلك عاتىق
 يا خود تدبىرلە حرکت ايتمك خيالىلە ، اسلاميتك عقيدەلەرى
 اويلە تدبىرلە حرکت صورتندە كنه محفوظ قالا بيلور در چەدە
 ضعيفدر دعواسنە بن هيچ بر وقت جسارت ايتم . اسلاميتك
 سنك بنم تدبىرلەرمە حاجتى يوقدر . بر دگل مليون سنك بنم
 كىيلرڭ هجوملر يەنە اسلاميتك بونى ركنى يا بر قزغى هيچ بر
 وقت قاقشاماز .

بر وقت بزم متفقەلر كىتب فقهيەدە شريعت اسلاميە
 نامنە نىسبتدن اوتانمايوب ، عوامدن مستوريتنى لازم مسئلەلەرى
 يازوبدە «هنه مسئلة تعلم ولا يفتى بها» ديمشلىر ايسەدە ،
 اويلە حرىكلەرى بزم كوزدە ادبىن خارج بر حرکت ايدى .
 زيرا بر مفسدەيى ايجابى اعتبار يەنە عوامدن مستوريتنى
 لازم اولور . ايكسە ، مفسدەيى ايجاب ايدەك بر مسئلەيى
 شريعت مەقسە نامنە نىسبتدن اوتانمق دها از يادە لازم
 اولاجقدر .

دين دە على العموم ، اسلاميت دە على الخصوص « سر »
 هم دە كتمى لازم عقيدە اولماق حقيقتك اڭ بيوك اڭ برنجى
 شرطيدر . علمى مسئلەلەرى يوق بار خياللر ايلە انسانلردن
 كتم ايتمك ، بنم گمان چە ، اڭ فائده سزە بر تدبىردر . بزم

لسان الغیب خواجہ حافظ شیرازی حضرتلاری دیمش :

یکست تورکی و تازی در فهم دین ای حافظ

حدیث علم بیان کن بهر زبان که تودانی

یعنی دین آکلامق حقدن تورکی، عربی همه انسانلر برابر در .
علمی مسئلهلری نصل لسانله سویلر ایسته کده سویله. هیچ
بر شیک معلومیتی هیچ بر انسانه ضرر ویرمز .
بر وقت اسلام عالملری، نصرانیت پاپاسلرینه یاخود
سکی دین راهلرینه تقلید ایتوب، گویا بالکنز اوزلرینه گنه
معلومیته جائز مسئلهلری عوام نامیله تحقیر قیلور انسانلردن
کتم ایتیمه سلوک ایدر اولدیلار .

او محترم ذاتلر اوزلرینک حرکتلرینه بر اصابت
رنگی ویرمک ایچون صوفیه بیوکلرندن نقل اولنمش :

« هر که را اسرار دین آموختند »

« مهر کردند و دهانش دوختند »

بیت عالیلرینه گویا موافق حرکت ایدر کورندیلر .

شو بیوک معناسی وار بیت بزم ضررمزه دلالت ایتمه یور،
زیرا صوفیلرک بیوکلرینه، بزه معلوم دگل «کشف» طریقله
بزه معلوم دگل علوم حاصل اولور ایش. بز او «کشف» ی ده
او علوملری ده انکار ایتمه یورز . صوفیلرده بزه او علوملرندن
خبر ویرمه یورلر . ویره جک اولور ایسه لرده اینانمق مجبوریتی
بزه یوقدر . او یله شیلری بیان ایچون صوفیلرده لسان
یوق . قبولنه بزه مجبوریت یوق . بوکا کوره ده او یله

کشفیات حقدن صوفیلرک لسانلری باغلانمشدر .

لکن عقلک نظر یسه ، دیوان طبیعتک یا خود قرآن
کریمک افاده سیله معلوم اولا بیلور شیلری «سر» کبی
صافلامق ، ظهورنده بر فساد امکانی خیالیله او یله شیلری
کتم صدندن اولمق هیچ بر وقت معقول تدبیر اولاماز .
اگرده عوام نامیله تحقیر قیلنور انسانلردن او یله شیلری
صافلامق، اسلامیتی حمایه ایتک گمانیله اولور ایسه، او یله
گمانلر اسلامیت شرفنه غایت بیوک جنایت اولوب، روس
مثلنده مشهور «آیو خدمتی» کبی بر خدمت اولور .

شویله ملاحظه لرک بنم کوکلمده رسوخنه کوره، بن
اولده بر قاچ اوفاق مسئلهلری، شمدی اوفاق دگل اهمیتتی
وار بر بیوک مسئلهلی مطبوعات عالمنه عرض ایتدم . بوندن
صوگده انشاءالله پر واسز دها بیوک مسئلهلری بری آرفاسندن
دیگرینی عرض ایدر طورورم . آهسته آهسته مسائل
فقیه اصول فقیهه اساسلرینه ده نوبت کلور . بنم طرفدن
عرض اولنمش مسئلهلری علمی صورتده جرح یا تأیید
ایده جک انسان بولنور ایسه شکر ایدرم . لکن بالکنز
«صوص! فتنه لر قوبارما! قبوللرینه عقللرینه کوره انسانلره
سوز سویله!» دیه جک آدملرک سوزلرینه شو دفعه اهمیت
ویرمدیگم کبی بوندن صوگده اهمیت ویرمم .
بن آلمده برهانلری طولانامش بیوک یا اوفاق مسئله
لرک هیچ برینی میدانم . چهارم . اول دلیللریمی برهانلریمی

حاضر ایدرم . تماماً اطمینانم سوڭىندە مسئله يى ميدانە
آتارم . اويىلە ايسە، هر بر هاچەڭ ھجومە اعتبار اينمىكىن
كىندومى يوقارى طوتار ايسەم، البته بن معذورم .

شېئىر «الاسد» بىيىدە دىم ھەملە كىردى . وىرەنە
گەر لاغرم وگىرنە، شىكار غىنىقىرام .
مەھم بر مسئله علمىيە يى خالص قرآن كرىيىڭ بلاغت
اعجازىەسىلە اثبات ايسە بىيلىك قدر حاضرلىكى بن ائدە
ايدىنەش ايسەم ، البته ، قرآن كرىيىڭ عظمتىە مناسب بر
شجاعت ادبىە بنم كوڭام دە طبعى صورت دە حاصل اولور .
او وقت يالىڭز «فئنه باصدموق» اېچون اوزاقىن سويلنەش
سوزلرڭ ھىچ بر يىنە بن قولاق وىرمىسەم گناھلى اولمام .
لىكىن ملت بىوكلرىنڭ برى «پارمق سىلكمك» طرىقىلە
اوزاقىن «ياواش!» دىرسە ، البته تادب اقتضاسىلە آياق
اوزرىنە قالقوب غىرمى عرض ايتىمىە محتاج اولورم .

بويىلە تادبىلرڭ برى ۲۵نچى دىيىكابدە نشر اولنەش
۵۲نچى عدد محترم «ترجمان» جرىدە سىندە بىزە واصل اولدى .
۲۵سنە بىزە ھەم دە ملتەزە رەھبلىك ايدىن ، ملتڭ بىوكل
باباسى استاذ محترم اسماعىل بك غىصپرىنىسكى جىناپلرى
بىزە «رحمت الھىيە عمومىيىتى» كىيى بر مەسئەت دە رەھبلىك
ايدوب «درسىلرڭ دە ھىكىم محترم احمد مەدخت افندى
ھىزرتلرىنڭ تارىخ ادبان درسىلرىنى رەھبىر طوت . نافع
و مؤثر بر خدمت ايتەش اولورسن . روسلر بر زمان

چاقىلردىن امان بولامايوب «عقلىدن بلا» مقالىنى چىقارمىشلىرى
ايدى . عقل كو بلىگىندىن شكايتە بىزم ھقىمىز يوقدر . فقط
فىلسوفلر شو قدر چوغالىدى كە «فىلسفەدن بلا» مقالنى ھقىمىز
وازىر ايدى» دىمىشلىرىدۇر .

گوزل نصىحت ! البته بىوكل پدىرڭ نصىحتى دە بىوكل
اولور . لىكىن نصىحت ايدىر ايكىن ، محترم «ترجمان» ڭ
۲۵سنە مەدەمكى حالنە بر نظر ايتەش اولسەلار ايدى ،
نصىحت دەھا گوزل چىقار ايدى . ۲۵سنە مەدەم املاسى
انشاسى يوق ترجمان شو كون جرىدە لىرەمىڭ ڭ گوزلىدىر .
او وقت لسانى يوق اسماعىل بك غىصپرىنىسكى دورت بش
سنە صوكل «فرنگىستان مەكتوبلرى» كىيى ڭ لذتلى ڭ ادبى
اثرلر يازمىە باشلادى . و شو كون ملتڭ ڭ بىوكل رەھبىرى
اسماعىل بك اولدى .

شو كون ملتەزىڭ ڭ بىوكل باباسى اولموق شەرفنە كلىش
اسماعىل بك جىناپلرىنڭ املاسى انشاسى يوق كونلردە
بىوكلرەمىڭ ھىچ برى ، ھقىلرى اولمىش ايسە دە ، «محرر بلاسى»
مقالىنى چىقارمادىلار . اسماعىل بك جىناپلرى طرىقىلە
پوزىدىن شو كون «فىلسفە بلاسى» مقالىنى چىقارور ايسە ،
اختيارلرى وار . لىكىن «عقلىدن بلا» مقالىنى روسلردىن
آلوب سويلر ايسە ، دەھا زىيادە اصابت ايتەش اولورلار
ايدى . زىرا طوقز يوز دورتدىن بو طرف دە اولان عمومى
ھرىكتلردە ملتەزىڭ ڭ امان بولامايوب ، ھەمان ھەنوز

«عقل بلاسندن» شكاييت ايدبور. بزم احوال عموميه مزه كلي
بر سكتنه كليش ايسه، «فلسفه بلاسندن» دگل، «عقل
بلاسندن» كليشدر. شو حقيقتي محترم اسماعيل بك جنابلري
غاييت گوزل آكلار. بزه حرکتلرک هر برينين مشاهده
ايتدک، جمعيتلرک هر برنده حاضر ايتدک. لسانمزدن بر
سوز چيقمادی، فولغمزدن هيچ بر آدمک اهميتلي سوزي
قوتولمادی بوکا کورده هر بر سوزي ضبط ايتمش ايتدک.
احوالک تفصيلي بزه ده تماماً معلومدر.

محترم اسماعيل بك جنابلري بزي متوفى پروفه سوز
صالاوليوف جنابلرينک اثريله دارالفنون درسليرينه ارشاد
ايتمشلر گوزل، لکن الک قوللي فلميله بزم حقيرى هضم
ايتمه مش اولسه لار ايدى، بزم ايچون دها گوزل اولور
ايدى. ۲۵ سنه بزه رهبرک ايدن بيوک اديب نيچون شو
گون بزم افکارمزه غاييت طار حدود تعيين ايدبور؟

بزي بوندن صوگ انشاء الله يازاجق تاريخ اديبان
درسليرنده دارالفنون درسليرندين مي اقتباس ايدرز، يا خود
ديگر بر طريقله مي حرکت ايدرز، ياقين آراده آكلاشيلور.

در بساط مكتة دانان خود فروشي شرط نيست
يا سخن دانسته گوي امرى عاقل يا غموش.

بزي محترم اسماعيل بك غصپر ايتسكى جنابلرينين حرکات
استقباليه من ايچون نمونه اتخاذا ايدرز، ملتزمك بر بيوگى
۲۵ سنه دن زياده مدتده ثباتي اجتهاديله بزه غاييت بيوک

دوسلر ويردى. بويله شيلري آكلارز بوندن صوگ تزللا
بزي ارشاد ايدرلر ايكن، حقوقي ده هضم ايتدولر ايسه،
يارار ايدى...

بن، شو مقاله مده، بنم طرفدن قوزغاتميش مسئله يه
اهميت رنگي «هم» لك نامن ويردم تکرار اويله سوزلوي
سويله ميه احتمال جسارت ايتدو ايدم؛ لکن محترم «وقت» ك
۱۵۸۸ نچن عدنده «مديتلك كه امتحان طوتو» مقاله سنده اديب
محترم برهان افندي شرف حضرتلري طرفين بازلمش فكرلر
هم د استاد محترم رضا انندي حضرتلر يلك قلملر يلك تاليف
تيلنوب شوكونلرده نشر اولمش «رحمت الهيه» رسالسي
بكا هم جان هم ده قوت ويرديلر. تشكرلر فيلوب، دعواي
اثبات دوامته عزم ايتدم. موسى بيگينى.

يا من رسم بطلب، يا جان زنن بر ايد.

صوگ